



K-XI-13



# INTIMATUM

CAESAREO REGII UNIVERSALIS PER GALICIAM OCCIDENTALEM APPELLATIONUM TRIBUNALIS.

---

*Altissima dispositio intuitu assumendorum Advocatorum.*

---

**D**um Sacratissima Cæsareo Regia Majestas sub 30. Julii a. c. altissimam suam intentionem eo declarare dignata fuisset, ut in futurum nullus cœtui Advocatorum adscribi mereatur, cujus vere profunda Doctrina per rigorosissimum Tentamen non elucesceret, & qui suæ bonæ moralitatis solidas probas non adferret, statuere una hunc in finem dignabatur, sequentes Regulas respectu admissionis ad Stallum advocandi observandas.

*Primo:* In Advocatorum cœtum nemo adsciscatur, neque in civitatibus, nec in municipiis & ruri, qui lauream Doctoratus in Universitate aliqua Provinciarum hæreditariarum consequutus non fuerit.

*Se-*



*Secundo*: Universitatibus dispositum est, ut in tentamine pro gradu omnis rigor adhibeatur, & vel ideo nonnisi eminentibus ingeniis laurea Doctoratûs tribuatur.

*Tertio*: Gradu doctoratus gaudens, in quantum se muneri advocandi consecrare vult, tenetur penes Advocatum per tres annos in causis judiciariis praxim exercere, & ab illo conscientiosum Testimonium de sua applicatione & probitate morum producere, secus sine exhibendo tali Testimonio ab Appellationum Tribunali ad Tentamen pro stallo advocandi peragendum, non admittetur. Appellationum Tribunal vero omni cum exactitudine & rigore examen ad mentem dispositionis in instructione generali ddto. 9. Septembris 1785 parte II. capite 10. contentæ assumet. In quantum itaque

*Quarto* Candidatus has conditiones rite adimpleverit, etiam ei fas esto, partibus in Provincia pro qua stallum advocandi obtinuit, & ab Appellationum Tribunali examinatus fuit, in omnibus Instantiis judiciariis patrocinari. Si tamen

*Quinto* successu temporis observaretur, quod Advocatus munere suo abutatur, causas aperte injustas defendat, dolos moliatur, protractiones justitiæ sibi permittat, aliasque actiones illicitas cum detrimento partium & candidæ justitiæ administrationis ponat, aut eatenus manum præbeat, assumpta prævie ordinata investigatione & subsequuta probatione facti, a suo munere publico, quod summam probitatem requirit: sine ulteriori amovendus, de hocque rigore Candidatus, Tentamen præstiturus, monendus est. Ast vero

*Sexto* his Advocatis, qui se probe gerunt, & qui suæ zelosæ - diligentis, & in Justitia fundatæ de-



defensionis partium indubitata specimina dederunt,  
pro eorum solamine intimandum fit, illorum cum  
ad munus quodpiam publicum concurrerint, re-  
flexionem habitum iri, & ideo generaliter circa  
Concursus pro munere Judicis, horum, qui per  
rigorosum Tentamen Doctoratûs lauream conse-  
quuti sunt, & per aliquot annos praxim judicia-  
riam exercebant, reflexionem habendam, hanc  
autem regulam per Instantias judiciales circa præ-  
standas eo obtutu propositiones observandam  
fore.

Datum Cracoviæ die 13. Octobris 1800.

*Nicolaus Urbanſki, Præses.*

*Adalbertus de Lewin Lewinsky, Vice-Præses.*

Ex Confilio Cæs. Reg. Appel-  
lationum Tribunalis Galiciæ  
Occidentalis.


Bernardus Dwernicki.

Emanuel de Traubenburg.























































Stan  
przedmiotu

Wartość  
w wal. austr.



1010899 Bibliotheca 100005.  
P.P. Camaldulensium in Bielany

Depozyt w Bibliotece Jagiellońskiej



01180

K. XI 13



